

Астана қаласының мәслихаты

Астана қаласы мәслихатының
2019 жылғы 6 наурыздағы № 359
/45-VI шешімі. Астана қаласының
Әділет департаментінде 2019
жылғы 12 сәуірде № 1223 болып
тіркелді. Күші жойылды - Астана
қаласы мәслихатының 2022 жылғы
28 желтоқсандағы № 296/37-VII
(алғашқы ресми жарияланған
күннен кейін күнтізбелік он күн
өткен соң қолданысқа енгізіледі)
шешімімен

Мәслихат г. Астана

**«Астана қаласы білім алушыларының жекелеген санаттарына қалалық
жолаушылар көлігінде жеңілдікпен жүру құқығын ұсыну Тәртібі туралы»
Астана қаласы мәслихатының 2015 жылғы 23 қыркүйектегі № 410/57-V
шешіміне өзгерістер енгізу туралы**

*Ескерту. Күші жойылды - Астана қаласы мәслихатының 28.12.2022 № 296
/37-VII (алғашқы ресми жарияланған күннен кейін күнтізбелік он күн өткен соң
қолданысқа енгізіледі) шешімімен.*

«Қазақстан Республикасы астанасының мәртебесі туралы» Қазақстан
Республикасының 2007 жылғы 21 шілдедегі Заңы 8-бабының 3) тармақшасына,
«Білім туралы» 2007 жылғы 27 шілдедегі Қазақстан Республикасы Заңы 6-бабы 1-
тармағының 2) тармақшасына сәйкес, Астана қаласының мәслихаты **ШЕШІМ
ҚАБЫЛДАДЫ:**

1. «Астана қаласы білім алушыларының жекелеген санаттарына қалалық
жолаушылар көлігінде жеңілдікпен жүру құқығын ұсыну тәртібі Астана қаласы
мәслихатының 2015 жылғы 23 қыркүйектегі № 410/57-V шешіміне өзгерістер
енгізу туралы» шешіміне (Нормативтік құқықтық актілерді мемлекеттік тіркеу
тізілімінде № 959 тіркелген, 2015 жылдың 3 қарашасында «Астана ақшамы»,
«Вечерняя Астана» газеттерінде жарияланған) мынадай өзгерістер енгізілсін:

жоғарыда көрсетілген шешімнің 1- қосымшасында:



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

4-тармақтың 2) тармақшасындағы «Астана қаласының Жастар саясаты мәселелері басқармасы» мемлекеттік мекемесі» деген сөздер «Астана қаласының Қоғамдық даму істері басқармасы» мемлекеттік мекемесі» деген сөздермен ауыстырылсын;

7-тармақтың 2) тармақшасындағы «11» деген сандар алынып тасталсын;

10- тармақта:

1) тармақша мынадай редакцияда жазылсын:

«1) Тәртіптің 8-тармағында көрсетілген барлық санаттағы 15 жасқа дейінгі оқушылар мен тәрбиеленушілер үшін – балалардың ай сайынғы жол жүру билетін көлік картасын толықтыру жолымен сатып алу»;

2), 3) тармақшалардағы «ақша қаражатын төлеу» деген сөздер «көлік картасын толықтыру» деген сөздермен ауыстырылсын;

11-тармақ алынып тасталсын;

12-тармақ мынадай редакцияда жазылсын:

«12. Тәртіптің 8-тармағында көрсетілген тұлғаларды қамтамасыз ету түріндегі әлеуметтік көмек көлік картасын толықтыру үшін жол жүру билетін сатып алуға мемлекеттік сатып алуды ұйымдастыру және өткізу жолымен жүргізіледі.»;

13-тармақ мынадай редакцияда жазылсын:

«13. Әкімші әрбір білім беру ұйымы ұсынған өтінімге сәйкес балалардың ай сайынғы жол жүру билеттерінің көлік картасын толықтыру үшін тізім жолдайды.».

2. Осы шешім әділет органдарында мемлекеттік тіркелген күннен бастап күшіне енеді және алғашқы ресми жарияланған күнінен кейін күнтізбелік он күн өткен соң қолданысқа енгізіледі.

**Астана қаласы мәслихаты
сессиясының төрағасы**

Қ. Әбден

**Астана қаласы
маслихатының хатшысы**

Ж. Нурпейісов